

Broj: 02-1066-18/19
Tuzla, 13.01.2020. godine

Na osnovu člana 64, stav 1. točka b), člana 70. stav 3. i 6. Zakona o javnim nabavkama ("Sl. glasnik BiH" broj 39/14), člana 39. Pravilnika o javnim nabavkama JZU Univerzitetški klinički centar Tuzla, nakon ulaganja žalbe broj 225/19 od 03.12.2019. godine ponuđača "Medical Partners" u konkurentskom zahtjevu za dostavu ponuda za javnu nabavku medicinskih sredstava – operacioni konci (kardiohirurški, za plastične i maksilofacijalne operacije, i ginekološki) za potrebe Javne zdravstvene ustanove Univerzitetški klinički centar Tuzla, objavljenom na portalu Javnih nabavki pod brojem: 867-7-1-146-3-157/19, Ugovorni organ je donio

ODLUKA

I

Stavlja se **van snage** Odluka o izboru najpovoljnijeg ponuđača broj: 02-1066-14/19 od 22.11.2019. godine za LOT 6 – Resorptivni konci (za ginekologiju i akušerstvo), i donosi **nova Odluka** o izboru najpovoljnijeg ponuđača broj 02-1066-18/19 od 07.01.2020. godine za LOT 6, a to je drugorangirani ponuđač "**Medical Partners**" d.o.o. Tuzla.

II

Sa izabranim Ponuđačima zaključuje se okvirni sporazum za LOT 6 sa predviđenim rokom trajanja od četiri (4) mjeseca, na ukupnu cijenu ponude Izabranog ponuđača.

III

Ova odluka biće objavljena na web stranici UKC-a Tuzla, istovremeno sa upućivanjem Odluke svim ponuđačima koji su učestvovali u postupku javne nabavke.

OBRAZLOŽENJE

Postupak za javnu nabavku medicinskih sredstava – operacioni konci (kardiohirurški, za plastične i maksilofacijalne operacije, i ginekološki), pokrenut je Odlukom o pokretanju postupka broj: 02-1066-1/19 od 10.09.2019. godine, putem konkurentskog zahtjeva za dostavu ponuda.

Za predmetnu nabavku, odnosno LOT 6 blagovremeno su zaprimljene četiri (4) ponude:

1. Sanam Styrka d.o.o. Sarajevo
2. Medical Partners d.o.o. Tuzla
3. Medimpex d.o.o. Sarajevo
4. Plus Medical d.o.o. Tuzla

Nakon donošenja Odluke o izboru najpovoljnijeg ponuđača broj 02-1066-14/19 od 22.11.2019. godine, u kojoj je kao najpovoljniji ponuđač za LOT 6 – Resorptivni konci (za ginekologiju i akušerstvo) izabran ponuđač "Plus Medical" d.o.o. Tuzla, ponuđač "Medical Partners" d.o.o. Tuzla je uložio žalbu za navdeni LOT 6.

Prije nego što je uložio žalbu, žalitelj "Medical Partners" je blagovremeno zatražio uvid u ponudu Izabranog ponuđača za LOT 6.

Nakon uvida u ponude 02.12.2019. godine Žalitelj je uložio žalbu ovom Ugovornom organu, u kojoj navodi slijedeće nepravilnosti:

"U Aneksu 3 LOT-a 6 navedenog ponuđača (prilog 1.1.), (strana 8. ponude), pozicija 5, ponuđen je navedeni artikl: šifra A0440Z1T75, za konac karakteristika – hirurški sintetski srednje resorptivni konac, obložen, poliglikolna kiselina, USP 2/0; veličina igle 37 mm, vrsta igle: Okrugla mala igla, dužina konca, 75 cm (u nastavku 2/0, vel. Igle 37 mm). Daljnim pregledavanjem dokumentacije dolazimo do Rješenja o upisu u registar medicinskih sredstava kod Agencije za lijekove i medicinska sredstva BiH (strana 59. ponude), gdje se jasno vidi označena šifra artikla A0440Z1T75 (prilog 2), u kojoj se jasno uočava da je pod tom šifrom zapravo konac karakteristika 2/0, vel. Igle 40 mm.

Na strani 119. ponude (prilog 3) se nalazi katalog proizvođača KATSAN , zemlja porijekla Turska kojeg zastupa ponuđač "Plus Medical" Tuzla. Iz kataloga jasno proizilazi da je ponuđač označio šifru artikla A0440Z1T75, pod karakteristikama konca 2/0, vel. Igle 37 mm. U prilogu 4 se nalazi isječak Agencije za lijekove na kojem se jasno može vidjeti da je pod šifrom artikla A0440Z1T75 registrovan konac karakteristika 2/0 vel. Igle 40 mm, a ne 2/0 , vel. igle 37 mm. U prilogu 6 je isječak sa web stranice proizvođača KATSAN , zemlja porijekla Turska, iz kojeg se može vidjeti da artikl sa šifrom A0440Z1T75 odgovara hirurškom sintetskom srednje resorptivnom koncu , USP 2/0 veličina igle 40mm, dužina konca 75 cm. Iz svega navedenog se može zaključiti da je navedeni ponuđač izvršio krivotvorenje originalnog kataloga proizvođača, da bi prikazao u svojoj ponudi kao da ima registrovan konac karakteristika 2/0, vel. igle 37 mm, međutim uopšte ga nema u ponudi što Ugovorni organ također može provjeriti na web stranici navedenog proizvođača hirurškog konca."

"Također podsjećamo, da je Ugovorni organ (prilog 5) u odgovoru na pitanje potencijanog ponuđača od 18.10.2019. odbio bilo kakva odstupanja od traženih veličina ili dužina konca, što znači da Ugovorni organ mora odbiti ponudu ponuđača "Plus medical" d.o.o. Tuzla iz više razloga ."

Ugovorni organ je provjerio navode iznesene u žalbi "Medical Partnersa" d.o.o. Tuzla, i odlučio kao u Tački I ove Odluke.

Pouka o pravnom lijeku:

Protiv ove Odluke može se izjaviti žalba URŽ-u putem ovog Ugovornog organa, u roku pet (5) dana od dana zaprimanja iste.

V.D. DIREKTOR
Prof.dr.med.sci. Vahid Jusufović



Dostaviti:

- 1 x Ponuđačima
- 1 x web str. UKC-a
- 1 x a/a